

國朝詩人徵略

國朝詩人徵略卷四十九

番禺張維屏子樹嶺

王芑孫

字念豐號惕甫一號鐵夫江南長洲人乾隆五十三年

召試舉人官教諭有淵雅堂集

鐵夫以詩聞於時性簡傲不肯從諛遇公卿若平交人以是病鐵夫狂吾謂鐵夫獨耳輦下人士以萬數其遊於公卿者大都借援聲勢務爲關說而鐵夫介然無所苟館穀之外不名一錢雖金盡裘

敝不自恤鐵夫常欲買田築室於其鄉之楞伽山

又號楞伽山人云

小峴文集

楊甫詩癯然以瘦戛然以清亦縝密以栗在京師
與法時帆何蘭士張船山楊蓉裳諸君琴歌酒賦
爲南北時望所推又工書仿劉石菴相國具體而
微配曹貞秀亦以翰墨聞

湖海詩傳

芑孫至京師客於今大學士富陽董公者六年客
於睿邸者又六年中間往來故梁文定公及今韓
城諸城南昌內直諸公之家歲出關居熱河尋常
皆在淀園私爲諸公代手其後充教習別居南城

則又出而與館閣之士遊故雖官不挂朝籍而戶
乾隆五十年以後

朝廷有典禮文章之事未嘗不操筆竊與其間

淵雅室集

墨琴年二十三歸山人爲繼妻墨琴無金粉之好
所好作詩寫字山人有詩名復以書稱於世人或
持縑素求山人書者必兼求墨琴書所作書輒自

署寫韻軒

同上

將治古文必且融會於羣經旁貫以小學導源於
身心性命之間究觀於上下天人之際本其所不
容己者發爲言而又裁之以

國家之掌故

朝廷之令典如是然後行之以馬班之法運之乎韓
歐之體無難易平險高下而一歸乎心之所安與
夫義之所止非是者不爲能而芑孫材地至薄旣
根柢之弗植又撓雜之多端志之三十年學之二
十年而意中所欲作之文猶未之能出而應事牽
率之作則已不勝其多芑孫區區所繇媿憤而日
夜無以自喻者今但目之曰未定藁以志其願學
之心未已焉爾

楊甫未
定藁

嘗論古文之術必極其才而後可以裁於法必無

所不有而後可以爲大家自非馳驚於東京六朝
沈博絕麗之塗則無以極其才而所謂法者徒法
而已以徒法而語於文犬羊之鞞而已自宋以後
歐曾虞范數公之文非不古也以視韓柳則其氣
質之厚薄材境之廣狹區以別矣蓋韓柳皆嘗從
事於東京六朝韓有六朝之學一掃而空之融其
液而遺其滓遂以負絕千餘年柳有其學而不能
空然亦與韓爲輔望溪方氏宗法昌黎心獨不愜
於柳亦由方氏所涉於東京六朝者淺故不足以
知之今雖謂歐曾數公之文勝於柳可也使誠坐

歐會數公於此而俾之執筆爲柳氏之文吾知諸公謝不能也上同

古碑版文雖甚簡核必有所獨詳之處凡所謂略者從其所詳而略之也無統攝數言而一槩略之之理韓之誌子厚紹述皇甫之誌韓頗略矣而獨詳於其爲文所謂言各有當也上同

講試帖者皆謂與他詩異予以爲與他詩同且必他詩悉工而後試帖可工必有韓杜百韻之風力而後有沈宋八韻之精能上同

馮魚山王鐵夫之詩皆學韓魚山學韓而得其骨

之重鐵夫學韓而得其氣之盛

聽松廬詩話

法時帆祭酒題王鐵夫詩集云渣滓除已盡字字
出瘦硬匪緣讀書精安得行氣盛瘦硬氣盛二語
道出鐵夫詩佳處

同上

王鐵夫秋懷十二首學杜而能得其神骨摘錄數
首于此第四首云袞袞諸公捧劍韜草間羣盜尙
如毛洗兵待挽銀河下轉饒仍過玉壘高風外馬
嘶頻踠足霜前鷹意欲離絛何當援筆供磨盾雪
滿平蕪血滿刀第六首云苗蠻戡定又萑苻三楚
連年震鼓鼙惡少數羣丸赤白好官平日轂丹朱

荆襄自古經龍戰樊鄧中宵到虎符漸喜封章都
實奏科名端不負吾儒第七首云天彭井絡勢紛
紜獸集蜂屯合復分無數元戎親握槊何來孃子
却成軍雨昏巫峽函箱陣日射夔關虎豹羣花果
園中哭都護翩然大鳥下新墳謂花果園之戰第八首云
陝右傳烽過竹山蒼黃消息近商顏劫營驍將纓
先結據隘書生甲自擐組練三千新鄩部風雲百
二舊函關定知虎旅從天下快埽妖氛唱凱還第
九首云種區狔猱幾豪酋警報滇黔驟數州文武
江湘方論帥西南响町妄稱侯三更墨騎圍堅寒

一路紅旗達

御樓問道苗民也辛苦至今輓運抵車牛第十首云久將
市舶作郊廛關吏今憂闕算錢哨卒空教懸什伍
將軍其奈少樓船盧循就欵終爲賊徐福逋誅肯
作仙黃浦濤聲秋萬鼓左編夜誦想荆川

同上

黃仲則程孝子行王鐵夫書常公殉節錄後此二
詩一寫孝子一寫忠臣筆力遒勁生氣湧出真宇
宙間大文字也

同上

王鐵夫有西陲牧唱詞六十首并自註敘述西域
山川及準回諸部土風夷俗頗詳可與尤西堂外

國竹枝詞紀文達烏魯木齊雜詩並傳同上

鐵夫詩云打門一輩但求書又云書好何曾換得
鵞又云苦教磨墨累家童鐵夫負重名故書雖不
甚工而求者甚衆余名不及鐵夫乃索書者亦日
踵于門甚至如索逋之急余嘗倩區方山陳丹厓
沈竹坪袁壽山諸君代筆自余觀之諸君書皆工
於余而索書者必欲得余手書凡善書者多樂此
不疲余不善書但覺疲而不樂可笑也同上

標題 觀石菴先生所藏陽明山人銅印作歌古

擬李長吉天上謠古 草彭尙書墓碑

竟爲書以報允初書所不盡申之以詩五古

中秋宿喀拉河屯五古 次日雨至常山

峪五古 晉太康五茹詩五古 書故崇慶州

知州常公紀殉節錄後五古 題王南陔紹

蘭困學說文圖五古 知忻州事汪君本直

重修元邁山墓求詩七古 出京四首五古

韓文公畫像七古

摘句 學圃豈門場漢宋罔不宜要之必已出始

以毋自欺

堯典一帝紀不過五百言下武章四句功

兼祖曾孫古人尚體要見道語不繁晚周
莊屈徒謀篇始瀾翻

自從顏籀來書體幾同異今人爭點畫天
地入蟲臂可憐無字處徬徨聖心寄

孟堅志地理往往多引詩宋衛陳鄭間推
本風人辭

自非讀書多何以實其腹妙處不關書無
書苦礪礪

言中苟無物憍氣非堅蒼絃外苟無音虛
響難久長

秦漢未言佛佛義具列子

巍巍陸宣公謨傳墳有二朽骨起衆爭聚
訟各修治飄飄唐伯虎風期感文字封冢
樹碑亭後先煩長吏古今旦暮耳賢達一
揮淚清明澆酒人不必皆後嗣

生平厚自待因以期諸人

知縣七品官束縛敢搖膝號令未出門動
已躓於闕苟存康濟心亦救萬分一
見心不見字字字獻神采

翻新乍驚愚久而遂陳陳

有名召瑕疵無譽遭嗤薄

英雄惟有骨仙佛總無聲

蟾蜍戀東烏戀西昨日之日成古時

才子回頭多是佛美人彈指各成仙

宦塗況味溫涼玉人海聲名上下帆

絲雨勒成寒食景好風吹聚故鄉人

天連絕漠常時紫山出長城一半紅

液從幾鍊香成蜜丹到重燒玉化烟

吾輩寸長安問尺下官方鑿那投圓

一語贈行三反復立朝須怕受恩多

溫汝能

字希禹號謙山實東順德人乾隆五十三年舉人
官中書有謙山詩文鈔

謙山性豪邁有玉山草堂風嘗搜輯粵東詩文爲
詩文海自漢迄今千有餘家書近二百卷又嘗搜
陳巖野遺文及其子元孝與孫曾輩爲陳氏五代
集人尤義之所爲詩亦原本性情

嶺南
羣雅

洪稚存太史稱其高出流品凡貴遊之習聲氣之
場槩不能染歸田後刻書甚夥梨棗之資費以巨

萬而粵東文海詩海之選尤稱大備

嶺海
詩鈔

摘句 夢魂尙有酬君日歲月難畱報母春世上

倚閭多白髮好傳仕路各書紳

讀李令伯陳情表

閻秉升

字峴亭山西夏縣人乾隆五十三年舉人官知縣

詩品云返虛入渾積健爲雄峴亭造誼如是詠史

諸作尤具特識

羣雅集

摘句 欲得死節士當於諍臣求

天下不妨知己少古來惟有受恩難

國朝詩人徵略卷五十

番禺張維屏子樹輯

伊秉綬

字組似號墨卿福建寧化人乾隆五十四年進士
官揚州知府有畱春草堂詩草

君由縣學生中乾隆己亥本省舉人甲辰舉中正
榜己酉成進士授刑部額外主事補浙江司遷直
隸司員外郎嘉慶元年嘗侍光祿與千叟宴三年
典湖南試明年出守廣東惠州甫下車問民疾苦
裁汰陋規有豪辱寡婦子予校荷杖寡婦呼冤君

立拘豪詢責民皆稱快倡修學宮建豐湖書院課
諸生有程法嘗修朝雲墓於蘇文忠祠沼中得德
有鄰堂研人謂文忠以貺賢守云君故練習刑名
有重讞總督吉慶公輒以委君洋匪中有被擄服
役者二十二人君照律問遣總督以律載三年今
逾期欲從重君曰律意重行劫三年概詞耳所以
五年者由不能自脫設非被擒又豈五年止耶卒
免死陸豐甲子司奸民聚黨肆劫限期勒贖遲則
支解之君請總督發兵速剿幕中客多阻之不聽
總督因問策君曰總兵錢夢虎素著威望同知袁

樹悉彼處民情如割錢駐甲子而令袁曉喻父老
使獻巨魁事當有濟從之果送七人出歸善博羅
永安之變陸豐不乘隙起者誅此七人之力也歸
善陳亞本滋事未發提督孫全謀駐同城君屢請
兵不允乃部差役七十餘人夜搗其巢縛其親黨
亞本遁設計擒之未幾博羅陳爛展四將爲亂君
又請兵總督提督設詞阻之兵仍不發亂遂作而
君適以博羅絞犯越獄呈議去官士民共籲奏畱
乃畱軍營辦事當是時大府蒼黃失措提督擁兵
不前兵丁卓亞五卓亞佳爲僞先鋒朱得貴爲僞

三大王均通賊搶掠民旣死賊又死兵君憤懣請
兵愈力遂逢上官怒復以失察教匪劾論戍軍臺
會新總督倭什布公平反入告

上以情事與劉清之於魁倫相同免罪回籍同人伙助捐
復兩江總督鐵保公請發南河時淮南水災君查
高寶賑銀米皆親給奏攝揚州

特旨具授每邑置四粥廠經營賑務至廢寢食北湖湯家
泮盜藪也糾掠人貨肆其淫虐兵役莫敢誰何君
獲其魁數人餘盜解散揚州奸猾擾民者俗號魍
魎勾串以害富室者則名搭臺君皆嚴治之風以

漸息一攝河庫道再權鹽運使胥稱職旋遭光祿
公喪及還閩邑中城圯君出千金倡修上書大府
以不經官不邀議敘不委估核爲請城卒完營秋
水園供母夫人游憩未成母夫人卒改爲家塾榜
其柱曰未能將母園何用且望成才塾有靈其他
有利於桑梓者率力爲之家居八年朋交敦勸出
山遂勉就道中塗游歷山水多紀以詩抵揚州寓
黃氏園一時名流酬唱頗洽偶感霜露患肺痿症
卒時嘉慶二十年九月十一日春秋六十有二歿
未一月揚州士民羣祀君於三賢祠三賢者宋歐

陽文忠蘇文忠及我

朝王文簡皆揚州名宦也君工詩尤善隸法好蓄古書畫而以前賢手迹爲重頗究性命之學不傍門

戶屏謝聲色食每具蔬曰藉以清吾心耳

亦有生齋集

墨卿太守幼稟尊人光祿公庭訓又獲聞鄉先正李文貞公蔡文勤公及雷翠庭先生之緒論故於立心行己之學有志講求而文章詞翰亦皆精能早歲在都中卽爲諸鉅公所愛重旣出朱文正公之門而紀文達公嘗延爲西席課公之孫迨成進士官部曹扈從灤陽興試湖湘益譽滿雲司聲騰

日下迺一麾出守適遭无妄之災幸際

聖明事獲昭雪春回寒谷免戍軍臺

上諭復以劉清爲比君感激涕零益思勉圖報稱朋舊伙
助遂復出山旣而一守揚州未竟厥志憂歸服闋

又復北行中道謝世士林咸歎惜之

聽松廬
文鈔

嘉慶壬戌墨卿先生以事罷官大吏委官看守在
按察司司獄廳旁人爲之憂危先生灑然若無事
者臘月十九日坡公生日先生招同宋芷灣庶常
陰青原上舍家賢仲陳仲卿兩秀才設祀堂中懸
笠屐小像共拜之賦詩飲酒極歡高士徐薌圃曰

嗟乎如伊墨卿者豈復有世間升沉得失之念在

其意中哉

松軒
隨筆

墨卿先生訃至雲谷農部招同人集長壽寺爲位
以哭余爲祭文有云父爲九卿宴預千叟侍親趨
朝榮慶希有鸞旂皇皇天門蒼蒼身隨豹尾灤河之
陽白華在堂皇華在路手提玉尺瀟湘秋渡一麾
出守管領羅浮何來蚩氓乃操戈矛有謀不用非
公之咎臣心水明

君德天覆維揚七屬黃流滔滔災黎水宿哀鴻嗷嗷公乘

小舟戴星聿往民謂父母不謂官長云云

聽松廬
詩話

標題

小學篇贈黃小松

七古

讀史六首

五古

湘

江曲

五古

對酒行懷故學士竹君先生

七古

上宗伯師紀先生

七古

俞貞女詩

七古

長城謠

七古

廣仁嶺

五古

李墨莊舍人冊

使琉球歸槎圖

七古

贈陳仲卿

五古

賑災

四首

長短

三師二友詩

七古

題張南山

孝廉松石圖

七古

摘句

月華洞庭水蘭氣瀟湘煙

思通天地人以靜爲胚胎糟粕姑置之

落來吾儕

對月

功不下神禹象真同泰山

鄒縣謁孟子祠

君臣三大節詞賦十先生

尋南園故址

雪花落水盡竹淚過秋深

寒色憶湘江

才大豈難用歲寒方有聲

畫松

湘夫人枉思公子屈左徒空弔賈生

沅水

王人忝列諸侯上別墅仍勞小隊移

酬姜度香

玉露嬋娟照良夜銀河清淺作新秋

七夕

又分鴻雪東西印虛負雲龍上下情

贈韓桂船

此行已似他生晤既別猶追半日談

寄葉雲谷

張錦芳

字粲夫號葯房廣東順德人乾隆五十四年進士官翰林院編修有迷虛閣詩鈔南雪軒文鈔

錦芳初以經術補優貢入京師嘉定錢大昕河間紀昀見之目爲奇士錦芳淹貫羣籍通說文之學分隸得漢人法兼嫻繪事出其餘技足以輝映一時而於詩所造尤邃與欽州馮敏昌同邑胡亦常稱嶺南三子旣又與黃丹書黎簡呂堅號嶺南四家天性孝友事親能測意指以仲兄暨弟錦麟早世居恆淚常盈睫迨登第聞伯兄訃遂乞假歸養

未幾卒年四十有七

廣東通志

馮魚山謂吾粵自曲江而後風雅中微前明作者稍起而振之至葯房出而汪洋馳騫牢籠百態直

可接武曲江

嶺南四家詩鈔

葯房天性友于與弟瑞夫以詩齊名學問淹通兼工書畫詩宗大蘇上溯韓杜論者謂可接武曲江談何容易要其才力富健氣韻深醇雖以魚山絕大之筆二樵絕奇之才聯鑣並驅莫相先後以之追軌抗風夫奚媿焉

嶺南羣雅

魚山先生於同人中尤推張葯房葯房有送李文

穎遊大梁詩云會聞合浦葉飛入洛陽城君去沿
江漢何時達汴京天涯師友誼壯歲別離情到日
吹臺望浮雲但北征先生從李君扇頭見之以爲
妙絕一時

齊石
詩話

魚山謂葯房可接武曲江宋芷灣謂讀葯房詩令
人心醉余謂魚山詩濶大而或失之粗豪二樵詩
奇崛而或失之刻鑿葯房詩不及魚山之大亦不
及二樵之奇然言必稱乎心才必範以法文根於
情味餘於聲是真得溫柔敦厚之旨者

聽松廬
詩話

葯房哭胡同謙云意長數有盡質化憂難薶又云

可憐窮愁際交勉意未歇語極沉摯

同上

葯房七古多學大蘇五律追步唐賢余最愛湘水

一首云不盡三湘水來從八桂林遠循衡嶽麓直

下洞庭深天地餘秋色帆檣入暮陰竹枝與蘭葉

終古動哀吟可與湛若翁山相伯仲

同上

葯房與南澗交篤輓南澗六十韻極沉鬱頓挫

同上

葯房三閭大夫祠五首騷情杜意自是傑作

同上

葯房黑米酒詩乍熟沉雲黑新嘗壓蔗甜極工

同上

葯房在江西覆舟兩手急持王元章墨梅及舊端

硯餘不暇顧也其雅癖如此

松軒
隨筆

標題

度庾嶺古五

南旺分水廟古七

北固山甘

露寺古七

月夜泊燕子磯登絕頂古五 戒

壇古松歌古七

无孝寺貫休四羅漢古七

鄉賑詩古五

補書古五

禾虫古七

朱仙鎮

岳忠武廟古七

大水歎濟寧道中作古七

常州道中寄黃仲則古七

摘句

入門環眾綠水樹同一色

寄暢園

意中有全山行尋出雲上萬景隨步濶望

眼始一放

登西樵大科峰

片雲迷望嶽孤月冷浮湘

春水當門長孤舟與岸平

學難空舊習名畏逐時人

文人每自憎少作烈士未全灰壯心

明月白雲憑弔遠中州北渚下來遲

黃陵廟

放還未必緣明主隱去猶能比德公

孟襄陽宅

大江欲靜潛虬動初月無光積水明

涉印須友喧斜日東馬懸車迫小舟

渡汶水

於物多藏仍是累與人同患得無情

落書水

我已無兄欣得弟夜原多雨更兼風

對牀圖

日暮觴聲離岸盡白鷗隨意占江天

別離容易懽娛少願作凡人不作仙七夕

王寧焯

字熙甫號直菴山東高密人乾隆五十四年進士官御史有在山集及學靜草廬文稿

直菴明習律例遷侍御章奏得大體人來京師常咨訪民間利弊爲奏稿將上遽以疾卒山左詩續鈔

標題 題椒山先生與王遴小簡揚本後七古

摘句 方今無遺賢此士猶待價有或登之朝能

令側媚怕

贈王鐵夫

君子畏清議不畏眾人言

墮檐雙鵲鬬出草一蟲跳

國朝詩人徵略卷五十一

番禺張維屏子樹輯

洪亮吉

字君直一字稚存江南陽湖人乾隆五十五年
賜進士第二人官翰林院編修有卷菴閣集

君生六歲而孤家貧就外家孰讀書聰穎出諸同
學上乾隆己丑年二十四補縣學生朱學士筠視
安徽學往從之遊所交多知名士始君好詞章至
是迺兼治經庚子中順天鄉試舉人庚戌成進士
殿試一甲第二名授翰林院編修明年充石經館收

掌及詳覆官以舊書十三經多譌俗白總裁欲更正之未能從也壬子充順天鄉試同考官闈中拜視學貴州之

命故事未散館翰林無爲學政者蓋異數也在貴州奏請以禮記鄭康成注易陳灝爲部議所格敎士敦厲實學購經史足本及通典文選等書俾諸生誦習由是黔中之人爭知好古丙辰充

咸安宮總裁丁巳三月入直

上書房戊午弟靄吉卒於家君以古人有期功去官之義乃引疾歸己未正月

高宗純皇帝升遐赴都哭臨四月充

實錄館纂修官教習庶吉士八月乞假擬俟送

梓宮後南還時川陝之賊未靖

上宵旰焦勞君目擊情狀欲有獻替顧編檢例不奏事於

是上書 成親王及座主朱尙書珪劉尙書權之

冀其轉奏 成親王以原書進呈大指謂

聖躬宜勤政遠佞臣工多奔競營私語過激有

旨交軍機大臣與刑部會鞫讞上當君大不敬擬斬立決
特恩免死發往伊犁交將軍保寧管束庚申四月京師旱
上親書諭旨釋令回籍旋得甘雨

御製得雨敬述詩紀事有納言克己乃爲民請命之大端
及將原書裝璜成卷常置座右以作良規之注計
居伊犁甫及百日自新疆歸後漢員

賜環之速未有如君者自此枕肱墳籍放浪山水者十年
卒得告終家術

上之成就而安全之者可謂至矣君旣歸自號更生居士
好遊居里中觴飲無虛日丁卯吾鄉歲禋首請當
事設局賑濟而自捐金爲倡城鄉之民賴以就蘇
君厚於天稟精力過人然明恩怨別是非少容人
量君嘗語予人孰無病要自有其真耳君若後吾

死銘誄當必出君手幸無失吾之真也豈知斯言
遂爲今日讖哉詩文涉筆有奇氣生平所著書凡
二百六十餘卷經傳訓詁地理沿革尤所顧門云

嘉慶十四年五月卒春秋六十有四

亦有生齋集

君常橐筆游公卿間節所入以養母母卒君時客
處州弟霽吉不敢訃爲書言母疾甚促君歸君亟
行距家二十里舍舟而徒方度橋遇賃僕之父仇
三問得家狀君號踊失足落水中流數里汲者見
髮颺水上攬之得人識君者共舁至家久之方甦
君以不及視含歛後遇忌日輒不食

大雲山房文稿

洪常博奇思獨造遠出常情五古歌行傑立一世
早年與仲則齊名江左時號洪黃後沈研經術著
書盈篋與季述同客最久論學相長人又稱洪孫
云夙嗜山水所遊嵩華黃山皆升絕壁題字乃反
綜其奇蹟各爲一集又以至性過人篤于友誼暨
黃客死素車千里奔赴其喪世有巨卿之目故其
贈友諸什情溢于文

吳會英才集

稚存少孤失怙爲母夫人守節教養而成是以刻
意厲行確苦自持而於取與尤嚴蓋古之狷者也
性好山水如天都華嶽皆登其巔必縋幽歷險而

後已作文具體魏晉作詩五言古仿康樂次仿杜陵七言古仿太白然嘔心鏤腎總不欲襲前人牙慧至於經史註疏說文地里靡不參稽鉤貫蓋非僅以詞章名世者

湖海詩傳

洪稚存太史志行氣節儒林引重余讀卷施閣乙集朴質若中郎適客若參軍肅穆若燕公

八家四六文鈔

聖賢能不好名乎孝經曰揚名于後世論語曰君子疾沒世而名不稱焉是聖賢不能忘名也然則名不可好乎曰好名之弊尙足以扶世何則人而能好乎名類皆聰穎拔萃之人也聰穎拔萃之人

賞之不能勸罰之不能懲而名之一字卽足以拘
之然則名亦可假乎曰不能也有聖賢之名有忠
孝之名聖之名而可假則莊周列御寇之徒假之
矣賢之名而可假則郭解樓緩之徒假之矣忠孝
之名而可假則王莽趙宣之徒假之矣等而下之
至才士詩文之名亦無不然文有文之精神詩有
詩之精神精神能永百年者則傳至百年焉精神
能永之十世五世者則傳之十世五世焉精神能
歷劫不磨者則傳之歷劫而不磨焉然則吾欲救
天下好名之弊亦惟使之各務實而已

喪葬之制古今人惑雖不同然其爲惑則一也古人之惑一棺之費累及千金一壙之幽藏及百物以爲不如是不足以明人子之心也是其惑尙近于愛親今人之惑營一塚之地或遲及十年謀一穴之吉必訪及百輩于是有至曾元之時尙未及葬其高曾者大率貧賤者尙易而富貴者益難富貴而骨肉支派少者尙易富貴而骨肉支派多者則愈難至有兄延一客弟聘一師兄購于南弟營于北始則各不相謀繼則各以爲是喪庭出而復返卜日成而屢移其故云何則祈福之念十倍于

愛親之心爲子孫之謀百倍于爲祖父之計也是則古人之厚葬尙近于愛親而今人之營塚則實欲爲己謀爲子孫謀耳上

官之累民者少吏胥之累民者多三代時府史胥徒之賢者即可遞升爲上士中士下士漢以來三老嗇夫掾史之賢者即可遞升爲丞尉守令今則不然由吏胥而爲官者百不得一焉登進之途旣絕則營利之念益專姓名一入卯簿則呼之爲公人咸不敢忤其意其始鄰里畏之四民畏之甚至士大夫亦畏之若有奸狡桀出把持官府之人則

官亦畏之何則官卽欲侵漁其民未有不假手于吏胥者究之入于官者十之三其入于吏者已十之五矣不幸一家有事則選其徒之壯勇有力機械百出者蠶擁而至不至破其家不止是其權上足以把持官府中足以凌辱士大夫下足以魚肉里閭子以傳子孫以傳孫其營私舞弊之術益工則守令閭里之受其累者益不淺況守令所以得罪者大半由吏胥及至守令陷于法而爲吏胥者不過笞杖而已革役而已至于新舊交代之時則又夤緣而入故吳越之俗以爲有可避之官無可

避之吏職是故也然則有牧民之責者可不先于

胥吏加之意乎

同上

穉存先生刻意厲行希蹤古人其所爲詩文脫去
恆蹊直攄胸臆觀其論好名謂名可好而不能假
則先生生平直情徑行銳於自見之意亦大略可

覩矣

聽松廬
文鈔

國朝駢體文體格高華才藻豐贍者不止數家若論

氣韻之古無過卷施一集

松軒
隨筆

洪北江詩有真氣亦有奇氣時或如飄風驟雨未

免失之太快

聽松廬
詩話

先生未達以前名山勝遊詩多奇警及登上第持使節所爲詩轉遜前至萬里荷戈身歷奇險又復奇氣噴溢信乎山川能助人也

同上

作客二十年衣食知其難卑身與周旋不敢忤世顏此洪穉存先生詩也以先生一代奇才而猶歎謀食之難周旋之苦則世間有才之人而不免奔走衣食以致消磨壯心屈抑真氣者蓋未易更僕數也然殘杯冷炙杜老心酸乞食叩門陶公語拙古賢有同慨矣悲夫

松心
日錄

先生詩如一峰缺處補一雲人欲出山雲不許又

雲光裏地亦裏天風力飛人復飛馬又天山大雪
句云雲頭直下馬亦驚白玉闌干八千丈皆善狀

奇境

聽松廬詩話

先生絕句有奇情快論者偶錄數首大九州藏小
九州大瀛海外水仍流九州各有開天聖迭柱乾
坤到盡頭一粟先看世界浮女媧搏土不曾休
自從未有人行日玉兔金烏已出頭轉覺雙鬢
有定評旗亭聲價一時傾怪他九級慈恩墻徧檢
都無李杜名都似空中飛鳥過強分名目費編
摩試將列傳平心看一代傳人本不多門前三

萬六千頃架上二千四百年胸次近來無一事釣

竿纔放枕書眠

同上

標題

滎陽城

古七

金谷園

古七

潼關門

古七

關

申送黃二入都待選

古七

朱孝子詩

古七

題黃石齋先生手書詩卷

古五

從天井上

千尺幢

古五

經天梯升日月巖

古五

日昃

經蒼龍嶺

古五

夜從落雁峰足至蓮花峰

古五

習太康五年買地蒔歌

古七

聞官詩

古七

黃山入文殊洞

古五

林屋洞

古五

摘句

萬燈雖明不敵一星九流雖精不敵一經

一家飢寒擾及里黨四民飢寒憂及君
相以財濟世財有匱時以言濟世利無
窮期欲身不病無與物競欲身無災與
物共財

人生天地間百物無不惜日受天地恩不
向天地謝

人生天地間各各私所有未知室中物屬
客百年否

嘗嫌生世遲千載隔鄒魯不知更千載我
又成太古

客有一寸心抱此亦云久妻孥不能知庶
可喻良友一世乏賞音吾將寄身後

昔者慕著書鉛槧二十年傳世難預期庶
足慰目前

家儲萬黃金或者有憂色行乞得數錢陶
然樂听夕賤者未必非貴者未必得

閒身置天地非可自菲薄

盪此衣袂雲還成吳會雨

母病通師俸兒長著父衣

野雲隨地落春樹接天生

新月如眉過寒食東風吹雨作清明
乍識面人偏入夢不關心事忽沈思
作者衆憐傳者少前無古更後無今
愁中花月催人老夢後樓臺易主多
遙憶風前小兒女紫簾花下讀家書
輸他百鳥啼春徧一箇吟蟲欲占秋
能容一個眞名士足抵孤寒八百人
好名亦是文人事不近情人不近名
贏得夜深談往事一雙人立雨絲中
要與春人鬥標格有花枝處有鞦韆

杏花

張問陶

字仲治號船山四川遂寧人乾隆五十五年進士
官萊州知府有船山詩草

先生爲相國文端公元孫生于山東館陶縣乾隆
戊戌先生年十五集中詩於是年始自戊戌至壬
寅皆寓漢陽甲辰春由漢陽入都乙巳八月出都
丙午返遂寧周孺人歿於涪州丁未九月繼娶林
恭人卽贅于成都鹽茶道署戊申三月由棧道入
都是秋順天鄉試中式第十三名舉人已酉下第
出都由棧返蜀十二月由棧入都庚戌成進士選

庶吉士辛亥二月乞假出都由棧返蜀壬子十一月舟發成都眷屬偕行由蜀而楚癸丑二月抵都散館授職檢討是年先生三十歲自甲寅至嘉慶丙辰皆居京師丁巳九月由棧返蜀戊午正月由棧入都庚申閏四月奉

敕選翰詹三十人各書扇五柄五月選十二人分書

養心殿屏幅先生皆與焉八月奉

命充順天鄉試同考官十月入史館辛酉正月先生兄玄白奉太夫人至京五月奉派教習庶吉士乙丑九月改官御史丁卯四月奉

命巡視南城己巳三月奉

命充會試同考官七月選吏部驗封司郎中庚午七月部

選萊州府知府九月出都赴任辛未正月赴濟南

夏返萊州壬申二月辭郡是年先生四十九歲罷

官後僑寓吳門自顏所居曰樂天天隨鄰屋癸酉

仍寓虎邱往來大江南北未幾卒于客舍卒之年

月不得其詳先生出守與上官齟齬鬱鬱不得志

辭二千石而爲寓公身歿無子太夫人猶在堂亦

可悲矣然先生官未昌而詩則大昌年未永而名

將愈永則造物之於先生厚矣

聽松廬
文鈔

船山詩生氣湧出生趣飛來古體中時有叫囂剽
滑之病當時隨園名盛以游戲爲詩船山亦未免
染其習氣至近體則極空靈亦極沉鬱能刻入亦
能清超大含名理細闡物情或論古激昂或言情
婉曲或聲大如鐘鏞或味爽如菰韭幾欲於從前
諸名家外又闢一境

聽松廬詩話

船山五律有極警健者如嶠陵云沙白秦人骨山
蒼夏后墳古今雙去鳥霸王一浮雲奇險昇平忽
中原大道分長鞭入霄漢我馬亦空羣巫峽云一
年第一日攜酒看巫山晴雪照三峽春風吹百蠻

倚天雙壁破迎歲萬峰閒冷絕高唐觀朝雲白往

還上

先生寶雞題壁十八首傳誦一時茲錄其五首石
磴縈紆戰馬麓入山符疊碎兵符殺人敢恕民非
盜報國真愁將不儒豺虎縱橫隨地有貂蟬恩寵
愧心無荒寒驛路匆匆過焦土連雲萬骨枯窮山
避亂做軍門威望遙遙萬馬屯不戰豈能收殺運
無功先已負君恩祇聞怨語歸諸將可有心肝奉
至尊一樣沙場征戍死模糊敢信是忠魂故事虛張諭蜀
文懸軍安養募新軍山中城破官仍在闔外兵譁

將不聞大賈隨營緣我富連村無寇是誰焚烽煙
未埽偏流毒萬鬼含冤指敝雲憂憤書來處處同
故人幾輩尙從戎能文未易參軍事有口都能說
戰功爲我經心籌去住看君彈指變窮通東溟西
域曾帷幕猛將還應憶海公議撫招降計已施凋
殘民力久支持不明賞罰終何益眞舉才能尙未
遲將相有權甘自棄英雄無種要人爲孫吳兵法
非天授誰竭誠謀報

主知語寫悲涼義關諷諭所謂言者無罪聞者足戒也第
十八首結云風詩已廢哀重寫不是傷心古戰場

先生蓋自言之矣

同上

船山絕句云秭歸城下秭歸嘯江出夔巫水漸低
莫上柁樓高處望鄉山都在夕陽西 稻香吹過
水聲來野樹無行遠近栽不費一錢風景足萬金
何苦築樓臺 草樹經秋雨又風老青荒翠間疎
紅閒攜小鉢收花種要替明年補化工 門無芳
草徑無苔灑掃黃塵日幾回如此零星花數朶衝
他蜂蝶會尋來 罵佛顛狂佞佛癡妙心難望俗
人知看他塵海翻身苦正是如來默坐時 數詩
皆有情味又論詩絕句云躍躍詩情在眼前聚如

風雨散如煙敢爲常語談何易百鍊功純始自然
名心退盡道心生如夢如仙句偶成天籟自鳴
天趣足好詩不過近人情土飯塵羹忽斬新猶
人字字不猶人要從元始傳丹訣萬化無非一味
真也能嚴重也輕清九轉丹金鑄始成一片神
光動魂魄空靈不是小聰明數詩實獲我心空
靈不是小聰明吾卽以此語評先生之詩上

船山詩單詞隻句有警動者隨意錄之五言如瀑
飛明月動萬嶺塞空來沙飛風有形龍歸

氣滿山萬事有明日好詩堪下酒吟苦暫

忘家 七言如古今大局多重複 古今有我須

與耳 小坐移時又古今 萬古無如眼前好

一朝能得幾傳人 得句常疑複古人 好古不

泥真通人 天下才人窮有例 身當貧病見交

情 身謝塵勞轉不情 不善謀生友代謀 交

爲通財漸不親 兒好強于負郭田 世緣空處

性情真 緣盡還須讓後人 信天人不避孤虛

怕讀人間趁韻詩

好爲疊韻者請誦此七字

嘉慶丁卯余入都在小峴少司寇坐中晤船山太史其狀似猴故自號蜀山老猿又自稱老船老船

畫頗近徐天池余於墨卿太守伯臨比部處見之

雖隨意數筆皆有天趣

松軒
隨筆

香山有蠟油船山向溫簣坡索之簣坡曰君以詩
來蠟油可得也船山賦七古一篇後伊墨卿守惠
州船山又致書索之其癖嗜如此

同上

船山夫人有絕句云愛君筆底有煙霞自拔金釵
付酒家修到人間才子婦不辭清瘦似梅花船山
和之有夜窗同夢筆生花句亦閨房佳話也

同上

船山云紅樓夢八十回以後皆高蘭墅所補蘭墅

名鶚與船山同年交好

同上

船山歿後石琢堂殿撰刻其詩且賦詩云料理

編親告奠百年心事此時完友誼可風也聽松廬詩話

標題 七盤嶺古 巴陽峽古 蒯通墓古 朱

孝女詩古 秦節婦江氏詩古 玉河洗

象歌古 風木圖爲張八愚題古 題觀

空觀色圖古 醉歌行古 雪中詩古

摘句 古人重骨肉後人重朝市但願名利生不

畏別離死

秀才至性足 朝廷以爲寶考訂實小技

何足立師道寄貴州學使洪稚存

世人畏速化悲戀攢心胸昧然去實境苦
向虛無攻術盡身亦滅一散隨東風

黃金堆几案不如花數枝

美人實無罪溺者自忘身

眼前眞實語入手見奇創

本無祖述心忽已承其派

奇雲穿華嶽古雪照河流

有生皆過客無事卽深山

道心一明月人境幾浮雲

身如前日死心到衆人孤

才退安微命心平悔大言

何事能千古無端又一年

漸減兒時趣新年亦淡然

無事何須投筆起此生原爲讀書來

難測天心姑任運既來人世可無情

疎于骨肉無天趣嘗盡艱難好酒悲

白酒澆愁還此日青山埋骨定何鄉

福命在天憑婦孺形骸如土況田園

一生儘有關心事萬物姑存過眼緣

過眼榮枯皆嚼蠟切身經濟是加餐

生來寒瘦天難補看到流亡我未貧
半生傲骨禁秋氣萬事輕心悔少年
逢場未礙鬚眉冷經世終防意氣麤
長爲有情人說法莫從無佛處稱尊
河海無聲通戒外金焦分影立風前
頑雲吸雨蛟宮黑芳草承花蝶路紅
亦知蜀道真難上可奈長安不易居
秋樹有花皆慘澹夜天無月更深沉
老死空山人不見也應強似洛陽花
牡丹富貴梅清逸總是人間極品花

梅花

李鑾宣

字伯宣號石農山西靜樂人乾隆五十五年進士
官雲南巡撫有堅白石齋詩集

石農先生爲詩四十年少卽遠遊不遑息曰行行
草官西曹曹有白雲亭曰白雲初橐分巡溫處二
州曰甌東集提刑雲南曰詔南集謫迪化州曰荷
戈集分巡天津曰七十二沽草堂吟草提刑廣東
曰訶子林集合爲堅白石齋詩集若干卷先生自
髫年及於中歲室家之近羈旅之遠科名之所際
仕宦之所值多處憂患之中

大雲山房文集

石農少失恃育於祖母長遭家變窶且貧備極艱
難困苦而後博一第由刑曹出爲溫處兵備道遷
雲南按察使旋緣事謫戍輪臺父歿於家尋荷

聖主格外恩放歸終制仍由部郎游陟方面

繩崖齋文鈔

石農中丞正直而和易虛己而愛才其詩模山範
水自具清雄弔古言懷每多沈鬱至荷戈集中述
哀諸篇能使讀者愀然以悲余嘗謂中丞與夢文
子相似兩人皆宦達而詩皆多愁苦之音家庭骨
肉中多傷心之故耶抑古之傷心人別有懷抱也

聽松廬
詩集

厲樊榭哭姬人句云此生只有蘭衾夢其奈春寒
夢不通李石農悼亡句云蕭齋一枕寒於水夢裏
呼卿覆短衾皆情至語讀之令人酸楚上同

石農題任邱邊徵君

連寶

詩集云一時南北兩隨

園各有瀾從舌本翻瀛海詩人工樂府倉山仙吏
富詞源邊隨園固不爲袁隨園所掩也上同

石農秋闈分校詩云得意狂呼還擊節從頭再看
倍分明衡文必從頭再看庶不負作文者苦心上同

標題

于忠肅公墓

古七

枯蒼山出雲歌

古七

大

龍湫

古七

靈巖

古五

小龍湫

古七

龍鼻水

古 沙山來古 水輪古 銅鼓歌古

花田曲古 商柏抱周槐歌古

摘句 山有太古心 水有太古音 樵風送青靄如

撫成連琴嶼 濱陽

功寧在禹下 醇漫與荀論孟廟

梧桐荒禹甸 風雨碎秦碑嶧山

六國尙存先易呂 五經未燼已亡秦關中

此日當關無虎豹 昔年開國有魚鳧成都

鼓瑟有靈堯二女 問天無語楚三閭浮湘

蓮花白到辛家濼 楊柳青連丁字沽天津

蛇蟠大澤龍能斷鹿死中原狗又烹

淮陰

烏喙未忘嘗膽苦蛾眉猶恨捧心遲

姑蘇

好古官增新博士傳經詩授小毛公

河間獻王

一弟一兄兼弱妹三人三樣各奇才

班氏故里

畏君如虎走司馬似水得魚來臥龍

武侯

主持騷雅詩能聖歌哭文章筆有神

少陵草堂

萬馬窺邊天似蓋一言退敵膽包身

寇萊公

米老顛呼石作丈逋仙權以鶴爲兒

士仰先生同北斗人傳前世是西涯

輓法時帆

朱文正公諱時帆
是李西涯後身

李廣芸

字生甫號許齋江南嘉定人乾隆五十五年進士官福建布政使

君少從錢辛楣先生學孝於繼母敦品節礪廉隅爲時所稱通六經蒼雅三禮善屬文慕許叔重之學故又字許齋性廉正自爲縣令至藩臬所在皆有惠政得民心其治平湖也以陸清獻曾官嘉定而已以嘉定人官平湖爲治勉法清獻其守嘉興也正己率屬元理浙漕持官民軍三者之平多用君之言五年金華處州水災元已馳奏

恩賑矣金華民苦無錢錢價大貴處州苦無米米亦貴元
加銀二萬兩付君曰惟惠于民任便立爲之君以
銀之半易錢載至金華加賑民百錢民益安而錢
價頓平又以銀之半買米於溫州運處州減價糶
之復以糶錢輓轆運米而米亦賤十年嘉興水災
君奉檄減糶復分賑粥粥厚而吏不侵全活者
眾任漳州時漳俗獷悍兩族聚眾相攻甚則施鎗
礮名曰械鬪官拘犯則匿而抗故縣令必會營兵
以往糶糧之費獨責之縣以故縣皆困君初至有
歸德堡某姓械鬪龍溪令黃懋修束手無所施君

亦未有策朱履中者內狡肆而外樸誠攝平和縣事受代來謁君詢曰平和亦械鬪乎曰有之擒渠必以兵乎對曰爲民上者平日不以謠訟擾民遇有應捕主名飭里長縛以獻無不如指兵則多費矣君視爲真能感民者乃請於督撫以朱代黃久之知其終不辦也親率兵往治無所得費帑七百兩與朱分任之數月遷汀漳龍道未幾遷按察使署布政使會甄別朱爲教職朱虧鹽課五千餘兩抵以他款代者張均不聽抵漳守畢所蓄昔納朱賄而今苛督之朱窮且憤具揭督撫謂虧帑由道

府婪索督撫合詞密奏君解任君之在漳也監造戰船不如式被駁重修君已去任家人稱貸於朱以竣事而君不知也質訊時朱撫前二事指爲贓私家人自承稱貸實有之而君慳不知總督桐城汪志伊益疑之飭兩司及福州府必欲窮其獄正月四日促君對簿君終不肯誣服十八日總督謂獄不成將并罪案事者福州知府索詞聲色益厲君恐爲獄吏所辱夜縊於牀以歿士民數千人走數百里號哭于門累月不絕事聞

上使吏部侍郎熙昌副都御史王引之理其獄乃抵朱履

中等罪督撫皆罷斥士民林光天等公呈於使者
闔省士民願捐貲建李公遺愛專祠得

旨允行

肇經
寧集

官受累于家人不一而足彼家人者非不曉事卽
好生事非營私爲己卽倚勢凌人小官之家人固
然大官之家人尤甚以許齋方伯之爲人而不得

其死實由于家人之稱貸吁可畏哉

松軒
隨筆

摘句 非市非城當僻地有書有酒伴吟身

訂交不乏邨夫子扣戶應來農丈人

桂馥

字冬卉號未谷山東曲阜人乾隆五十五年進士官永平知縣有東萊草南征草

未谷工八分書脫手輒爲人持去尤長於說文之

學著有說文義證及札樸

國朝山左詩續鈔

百餘年來論天下八分書推桂未谷第一

松軒隨筆

標題

漢敦煌太守碑歌

古

摘句

孤懷違世好靜力定羣疑

異鄉知己少本性對人難

牟昌裕

字啓昆號松巖山東棲霞人乾隆五十五年進士
官御史

松巖居官廉正爲工部四君子之一奏章疏稿不

以示人故人無知者

國朝山左詩續鈔

戊辰春寓都門鄭貫亭侍御過子夜話談及生平

直諒之友推牟松巖爲最

松軒隨筆

摘句 秋色不知如此早寒花豈解爲人開

高士釗

字西山廣東順德人乾隆五十七年舉人有北游

草

西山好治古文而筆力精悍足以副之

嶺海詩鈔

乙丑余館城西西山以古文稿屬爲點定謂予曰子視吾文若何余曰君進而不已將迫步歸震川汪堯峯其庶乎西山笑曰如是足矣余曰古文難言也聰明人取唐宋八家文熟復之學其聲貌不難裒然成集但恐皆古人所已言無勞疊牀架屋耳且古人負盛名者其文集尙未易流傳况後人耶西山曰如是則心力不虛耗乎余曰不然文人之思如春蠶之絲必吐而後快斯吐之耳他何計

焉西山笑而去

松軒隨筆

摘句 飛瀑瀉清寒山骨露剔透

傷午輕陰移小樹新秋涼思入疎簾

鍾啓韶

字鳳石廣東新會人乾隆五十七年舉人有讀書樓詩鈔笛航游草

鳳石家羊城西畔與張墨池顏穀田高酉山蔡季材裙屐相邀每多倡和詩饒風韻蘊藉宜人

嶺南羣雅

鳳石灑脫不羈詩有雋語喜吹笛自號笛航生嘗言放船珠海吹笛作水龍吟少焉月出如驪龍吐珠蛟宮晃漾洵可樂也捐館後其徒伍紫垣茂才

輯其遺詩刻之

松軒
隨筆

鳳石有澳門詩十二首句如兵鬼吟於墨腺漿凍

欲冰蠻姬裙疊摺番衲髮鬚鬢又不風潮刮岸當

午瘴沉山大舶微如點頰沙曲似環語皆警健又

羈縻原勿絕他族爾母滋十字尤有深意

聽松廬
詩話

澳門古名壕鏡在香山縣南虎跳門外先是暹羅

占城爪哇琉球淳泥諸國互市俱在廣州明正德

時移於高州之電白縣嘉靖十四年指揮黃慶納

賄請於上官移之壕鏡設輸課二萬金佛郎機遂

得混入又潛匿倭賊萬厯四十二年總督張鳴岡

檄番人驅倭出海因上言壕鏡在香山內地官軍
環海而守彼日食所需咸仰於我一懷異志我卽
制其死命若移之外洋貿易則巨海茫茫奸宄安
詰制禦安施似不如申明約束無啓釁無弛防相
安無患之爲愈也部議從之其時大西洋人來中
國亦居此澳此前明番人來居澳門之大略也我
朝德威遠播懷柔諸夷重譯梯航嚮風慕義今居澳
者多西洋人日久亦甚馴順惟嘆咭喇貪頑而狡
獷彼見西洋人安居澳門頗有歆羨如忌之意包
藏禍心殆不可測自前慎固海防嚴察奸宄有守

土之貴者其可忽哉

陸松廬
六鈔

標題

書飲

五古

西溪山

七古

摘句

幹濟實資才
糟粕直須棄
乃知紙上談不

了天下事

所虧惟子職
無計代親勞

得友行藏適
逢晴肺腑開

煙橫一鳥平
拖去柁轉羣
山逆走來

隔水雲如詩
思懶過船風
學酒人顛

如夢幻中忘
去住最虛無
處有神仙

野老賓朋自
真率舟人兒
女最團圓

境因挫頓成孤往思入蒼茫悟正聲
事到大難惟有達家能粗可不如耕

張騰蛟

字孟詞福建寧化人乾隆五十八年進士

孟詞少負異才家近蛟湖朱文正公嘗以老蛟精
呼之文正詩云三千文士校雄雌第一應推張孟
詞其愛重如此喜博覽嘗撰山海精異一書未就
而卒師友咸痛惜之孟詞與伊墨卿交篤歿于京
邸墨卿爲經紀其喪哭以詩有執手_謂留際心宣
更目成亮爲雛鳳計竟失老蛟精之_{詩話}

聽松廬

摘句 買春休惜金如斗竊藥難攀桂一枝

茅屋牽蘿人故在雲鬟倚幌淚孤垂

葉鈞

字貽孫號石亭廣東嘉應人乾隆五十九年鄉試第一官祁州知州有石亭詩文集

石亭留心經學詩筆雅健其卒於官也長物蕭然

含殮之外僅餘著述數種

嶺南羣雅

標題

漢柏古

讀吳梅村集古

天津述事古

摘句 寒日兼天瘦驚沙挾霰飛

周索斗邊標北戶秦城天際立東門

山海關

國朝詩人徵略卷五十一